

重修廬氏縣誌卷之五

學校

樓峯郭光澍霖三氏編次

學校自有虞氏有上庠下庠之名至夏殷周庠序學校
代有規制異其名而實同其意焉後世沿之一郡一邑
皆立至聖廟設正副學博聚博士弟子員以時課業
其中此人材所由萃也我

國家重道敷文凡在郡邑殿楹煥赫俎豆輝煌而於師儒
之官尤慎其選增其廩重其責所以成菁莪棫樸之化
者亦極盛矣宜其賢才輩出文章動業焜耀天壤方興

未艾也誌學校

齋廟

在城東南隅宋未燬元大德間縣尹焦滋重建歷明二

修崇禎八年城陷廟燬順治八年知縣劉瀾重修正殿兩廡名賢二祠

大成殿五楹

康熙五年知縣胡循綸十九年知縣蓋圖先後重修雍正五年知縣章節重修崇煥聿新

東西兩廡各五楹

雍正五年知縣章節重修

戟門三楹

康熙四十一年知縣賈鎔重建

櫺星門三楹

康熙四十年知縣賈鎔重修

聖域賢閔門樓二座

雍正九年知縣常文質創建

學門雲路

明知縣趙科開

崇聖祠三間

在大成殿後舊係明倫堂康熙五十二年知縣王珣建堂改祠

名宦祠三楹

在戟門左

鄉賢祠三楹

在戟門右

敬一亭

在舊明倫堂後今廢

東耳房一楹

典籍庫在舊明倫堂左今廢

西耳房一楹

致齋所在舊明倫堂右今廢

神庫廚三間

今廢

宰牲房三間

在敬一亭左今廢

進德齋三間

在舊明倫堂左今廢

修業齋三間

在舊明倫堂右
今廢

東號房十間

廢

西號房十間

廢

會饌堂三間

廢

廚房三間

廢

學倉二廩

在敬一亭右
今廢

文昌祠

在學宮東雍正七年知縣毛伯鳳因東察院舊址創建

奎星樓

在學宮東南明知縣郭之幹創建康熙二十七年知縣張國卿重修高五丈八面宏敞乾隆二

年知縣黃增奎補修

本朝崇文盛典備考

禮通天下不敢系之一方而煌煌鉅典日月分先岩疆共照謹考錄如左以誌

文治之盛若前代褒崇已詳史冊者不復載

御定至聖先師之稱

順治十四年

御書萬世師表額

康熙二十三年

御製孔子贊四子贊

康熙三十三年

御書生民未有額

雍正三年

御書與天地參額

乾隆三年

御書聖集大成額

嘉慶四年

御書聖協時中額

道光元年

御書德齊疇載額

咸豐元年

御書聖神天縱額

同治元年

御書斯文在茲額

光緒元年

追封五代王爵改啟聖祠爲崇聖宮

雍正三年

增孔氏孟皮配饗崇聖祠

咸豐七年

樂器祭器部頒闕里儀制遵行樂舞生六十四人

康熙二十

九年豫撫問
興邦題設

加增祭器祭品樂器圖冊

雍正三年頒存各學

春秋二丁武職一体與祭

康熙四十九年

遷東廡朱子熹配享十哲之次

康熙五十四年

遷東廡有子若配享十哲之位

乾隆三年

故宋儒周敦頤程顥程頤張載邵雍爲先賢升先儒上

雍正

三年

增祀宋儒范仲淹

康熙五十三年

增祀先賢縣亶牧皮樂正公都子萬章公孫丑

漢儒諸葛亮宋儒尹焞魏了翁黃幹陳淳何基王柏

元儒趙復金履祥許謙陳澔明儒羅欽順祭清清儒陸

龍其

雍正二年

復祀先賢林放蘧瑗秦冉顏何漢儒鄭康成晉

雍正
二年

增祀崇聖祠宋儒張廸

雍正二年

復祀元儒吳澄

乾隆二年

增劉宗周從祀道光二年

增湯斌從祀道光三年

增黃道周從祀道光五年

增陸贄呂坤從祀道光六年

增孫奇逢從祀道光八年

增文天祥從祀道光二十三年

增謝良佐從祀道光二十九年

增李綱從祀咸豐元年

增韓琦從祀咸豐二年

增公明儀從祀咸豐三年

增公孫僑從祀咸豐七年

增陸秀天從祀咸豐九年

增曹端從祀咸豐十年

增毛亨方孝孺呂柟從祀同治二年

增袁燮從祀位呂祖謙之次

同治七年

增游酢從祀位楊時之次

光緒十八年

建忠義孝弟祠於學宮

雍正元年

考院

在縣署西偏邑令劉公應元創建秦公家駒重修

俱有碑記載藝文

書院

社學附

龍山書院

在城外東北號台文昌祠前廬舊無書院雍正七年

縣令毛伯鳳捐買寺峪地四十二畝爲在城義學之
費雍正八年縣令常文質因捐養廉銀七十九兩七
錢買樊村白石峪官產地三頃充作四鄉義學公費
又雍正十一年本學生員賀時捐王家嶺寨子村兩
處地三頃分給各鄉義學公費乾隆十一年縣令陳
思震詳請立書院於號台建講堂五間東西書室六
間大門一間兩旁倒坐書室二間文昌殿左右各建
廚房一間延師課士歸並各鄉義學稞租以供膏火

經正書院

在城東南隅文廟文昌宮之間本訓導舊署遺址邑
令盧公建河改爲莘原書院歲久傾頽又疊遭兵燹
房垣拆毀鮮有存者茲特鳩工庀材重新修理落成
之後易以今名其氣象之清幽規模之宏大較從前
爲倍勝後來者能護持保愛勿令遽卽於荒蕪則予
尤有厚望焉碑記亦載藝文中

社學二處

一在奎星樓北一在城隍廟西今俱廢存址

附入學額數學田

學額

入學額數科歲每試文武各八名外有府學撥各一名
至咸豐年間邑令徐公鎬以本邑捐輸曾請增加一名
又府學撥來三名陝與盧永遠各一其一則靈與盧歲
科輸得奉行日久已爲定規

學田

馬房行糧地六畝 蒲峪河 仙峪河行糧地二畝六
分五厘六毫鋤鉤峪行糧地一畝一分三厘 又地八
分五厘七毫 又地三段小地六畝四分 沙窩行糧
地二十六畝五分四厘七毫 白石峪行糧地六畝七

分二厘八絲 北鄉壬字第三冊貢良種行糧地五段
五畝九分九毫七絲 以上係舊學田外有樊村行糧
地七畝七分九厘四毫每年秋夏收課租九石九斗八
升係縣令常文質價買爲諸生月課永久公費於雍正
十二年撥送儒學收管

咸同以來每年課租計紋銀貳百七十兩俱由署內征
收以備官課膏火之費

新增膏火銀

閭邑共捐紋銀四千三百一十兩每年應得息銀四

百餘兩俱由知年人經手以備齋課獎賞及書院山
長脩金與官齋卷貲等費

考院房屋

後上房五間東 廂房各二間西偏廚房三間至公堂
五間東西號舍各十間廚房茶房各一間龍門三大間
東西廂房各三小間門樓照壁各一座東西轅門樂樓
各一座院東偏箭亭三大間

書院房屋

後院上房三間東西廂房各三間西偏廚房二間中間

講堂三間東西齋房各五間前院大門一座門房二間
大門外照壁一座

書院課期

每月初二日官課在考院內局門面試十二二十二等
日齋課在書院內值年人及齋長經手

膏火銀由值年人按四季分給士子不准過期不發

重修盧氏縣誌卷之六

棲峯郭光澍霖三氏編次

禮樂

禮樂治世之大經禮以節民性樂以和民情君子由之
庶民共之故有其意而誠敬和樂昭焉有其文而玉帛
鐘鼓宣焉凡以理幽明諧神人安往蔑有司民社者可
弗急講與方今庶績咸熙制作盡善秩秩雍雍礼明而
樂備在邑在廟無不可紀而書所謂礼樂百年而後興
者宜其然乎誌礼樂